

UG Nr. 5/2024

### **Neimoderne Sochan!**

Griaß eich, i bin's da Eberhard  
Bin wi ihr clever und smart (klug und wiff)  
A wann i a wengal Englisch koa  
Hab i gar net recht vü davan.

Wei so vü neimoderne Sochan  
uns ganz schee zan schoffn mochan.  
Ois is nur mehr digital und Ei-Ti  
koana kennt se nimma aus, a ned i.

Mia woin ja teilhabm an de Sochn,  
de des Lebn oafach mochn.  
Göd vo da Bank, an Antrag am Amt, Zugkoatn kaufn,  
geht nur über Pe-Ce und Handy, zan Haare raufn.

Da Franz und d'Susi höfn imma,  
eanan Freind, in Konrad Wimmer.  
Da Konrad tuat gern min Fliega fliagn,  
kann selba aba koan Ticket kriagn.

So vü is teira ohne den Kastl,  
ohne Onlein bist a Wastl.  
Mia woiln ja dabei sein, owa ferna,  
brauch ma wen, der uns hüft beim lerna.

Mia Pensis fordern vehement,  
dass uns koa Bonus mehr entgeht.  
Die Regierung muass des mochn,  
dass d'Leit ohne digital a ois schoffn.

Dass uns den gleichn Vorteil bringt,  
uns ohne Computer a gelingt,  
an ois Guade zu gelangen,  
ohne a Ei-Ti-Studium anzufangen.

Mia Pensis, wia ma uns gern nennen,  
woin des Gleiche, a wann ma ned olle a Handy kennen.  
Wer hüft uns dabei, is unsa guade Söh,  
Politik mit Herz und Hirn und der PVÖ.

*Euer Eberhard*